

## **Majoriap højskolertitsisarnermik aaqqiissutaatigut højskolernissamut aningaasaqarnermi toqqammavissat**

Danmarkimi højskolit, (Piareersarfinni) Majoriaqarfinni aqqustissiuisut aamma Namminersorlutik Oqartussat akornanni isumasioqatigiinnermi ulloq 24. september 2013-imi pisumi allakkiq siullerpaamik suliarineqarpoq. Kingornatigut Kalaallit Nunaanni akigititanut, sullissisarfinnut suleriaatsinullu il.il. tunngatillugu kingusinnerpaamik 2018-imi decembarip qaammataani nutarsagaavoq. Tamatuma saniatigut toqqammavissanik nutaanik ataasiakkaanik aamma ISNNN-imit aamma GCDH-mit inassutinik ilanngussisoqarsimavoq.

Højskolernermut aaqqiissutinik, immikkut ittunik aningaasaqarnikkut toqqammavissaqartunik immikkut illutillu killeqartitsisunik allanik peqartoqarnera maluginiaruk. Højskolernermut aaqqiissutit tamakku Majoriaq aqquutigalugu højskolillu suleqatigiinneranni MATUMANI ilaatinneqanngillat.

### **Aningaasaqarnikkut toqqammavissat aamma isumaqatigiissutit:**

Nalunaarsuutit normui "aningaasaqarnermut ataatsimut isiginniffik, aningaasartuutit suussusaat"-nut innersuussipput

Ulloq 1/1-2023-imi højskolimi ilinniartumut kalaalermut sapaatip akunneranut akiliut minnerpaamik 1271,- kr.-ussaaq (katillugit qaammatikkaani (sapaatit akunneri sisamat) 4.924,- kr.).Aningaasat amerlassusissaat 1271 kr isumaqatigiissutaavoq Qallunaat Nunaani aningaasartuutissanut inatsit malillugu minnerpaaffissaa akiliut 1.071 kr ilanngullugu 200 kr, ,aningaasat akiliutigineqartussaq tamaat sap. akunneranut, ukiuni marlunnik atuuttussatut isumaqatigiissutaagallassaaq.

- Ilinniartup angerlarsimaffigisaani Majoriamit qaammatit naanerini 4.866,- kr. højskolimut akiliutaasarput. Højskolernermut akiliutitut ilinniarnermusiat nuunneqartarnissaat pillugit tamanna ilinniartup aamma Majoriap akornanni isumaqatigiissutaavoq. Aningaasat taakku nalinginnartut ittunik Namminersorlutik Oqartussallu ilinniarnermusianut tunngatillugu Majoriap akilersuisarnera aqquutigalugu akiliutaasarpoq. Taamaattumik højskolimi semesterimut tamarmut ataatsimoortillugu fakturamik akiliisoqartassanngilaq (Danmarkimi højskolit ilinniartunut qallunaatut ataatsimoortitamik fakturamik atugaqartarput).
- Qaammatini qulini højskolerneq højskolip sapaatip akunneranut akiliisarnera nalimmassarniarlugu qaammatitut 11,0-tut paasineqassaaq / naatsorsorneqassaaq.
- **Qaammammut siullermut** højskolilernermut ulloq aallartiffik (tassaasinnaasoq qulingat) apeqqutaatinnagu Majoriaq qaammammut ilivitsumut akiliutinik (kr. 4.866) nuussissaaq. Taamatuttaaq ulloq naaffigisaa (tassaasinnaasoq 15.-iat)

apeqqutaatinnagu qaammammut ilivitsumut Majoriaq **qaammammut kingullermut** akiliutissanik nuussissaaq. Akiliutip tamakkiisumik nalimmassarneqarnera højskolip Namminersorlutik Oqartussanut, naalackersuisoqarfimmut, ISINN -imut nassiussaani naatsorsuutini ilaatinneqassaaq.

- Højskolimi ilinniartunut ataasiakkaanut tamanut kaasarfimmisumut sapaatit akunneri tamaasa højskole 500- kr.-nik tunniussaartassaaq. ( qaammat ataaseq katillugit 2.000 kr ) Tassaavoq 2019-imi januaarimit atuutilersutut akigititaq nutaaq.
- **Højskolertunut 18-it inorlugit ukiulinnut immikkut ittumik.** Ilinniarnermusianut nalinginnarmik akigititanik allanik ilinniartut 18-it inorlugit ukiullit pissarsisarput (2.460 kr.). Ilinniartut 18-it inorlugit ukiullit højskolertullu qaammammut akigititaq 4.866 kr. pissarsiarisassavaat. **18-it sinnerlugit ukiulinnut akigititamik, 4.866 kr-nik aningaasarsianut immikkoortoqarfiup akiliuteqartarnissaanik Majoriap peqqussuteqarfigissavaa.** ISNNN-ilu aaqiisummik tassannga GCDH oqaluuserinnissimavoq, taassumalu 18-it inorlugit ukioqarlutik højskolertunut ikingaatsiartunut periuseqartarnermik tassannga atuisoqarnissaa tapersersorpaa.
- Taamaalilluni qaammatit tamaasa højskole 2.524,- kr.-nik aningaasartuuteqartarpoq, Majoriamillu tassunga 4.866,- kr. nuunneqartarlutik. Assigiinngissutaasut 2.342,- kr.missaat Suliffeqarnermut Naalackersuisoqarfik, ISINN-ikkut Namminersorlutik Oqartussanit matussuserneqartarput. Akiliutissat kvartalikkaamik kingumut fakturaliutigineqartarput. Ukiup naanerani januaarip aallartinnerani højskole fakturamik nassiussaartassaaq. Fakturamik tigusinnittussamut imatut oqasertaliisoqassaaq, taamaangippat Namminersorlutik Oqartussani naatsorsuuserisoqarfiup faktura akuerissanngilaa:

Emailikkut scannikkatut ataatsimi (pdf-filitut) uunga nassiutissaaq: [faktura@nanoq.gl](mailto:faktura@nanoq.gl) aamma cc-tut [ISN@nanoq.gl](mailto:ISN@nanoq.gl)-imut

**Namminersorlutik Oqartussat  
ISNNN  
Suliffeqarnermut Naalackersuisoqarfik  
GLN nummer 5790001955465  
Postboks 970  
3900 Nuuk**

**[Ikiorsiissutinut ataasiakkaanut assigiinngitsunut 2023-imi januaarimi makkuninnga toqgammavissagarlunilu isumagatigiissuteqartoqarpoq:](#)**

- Tiguneqarnermut akitsuutaasartog højskolimit højskolimut assigiinneq ajorpoq. Akitsuutip qanoq annertutiginera, aammalu akiliutissaq qanoq akilerneqassanersoq ilinniartunut ataasiakkaanut tamanut tiguneqartunut nassuiarneqassapput. Akiligassaq 1.500,- kr.-t aamma 2.500,- kr. akornanniittarput, nalinginnarmillu qaammatikkaamik Majoriamit nuussinerit aqutugalugit akilerneqarajuttarlutik. Taamaalilluni pisorpasuarneq assigiinngissuteqartoqartassaaq. Assigiinngissut taanna kvartalikkaartumik imaluunniit semesterikkaartumik naatsorsugaasarpog, kingornatigullu qaammammut/sap. akunneranut naatsorsukkat aqutugalugit Majoriamit akilerneqartarluni. (Nalunaarsuut nr. 1).
- Qularnaveeqqusiissutit. Højskolit ilaat qularnaveeqqusiissuteqarfiusarput, assersuutigalugit matuersaatinut il.il. qaqutiguunngitsukkat tunngasuusartunik. Qularnaveeqqutaasinnaasoq sapaatit akunnialunni kaasarfimmiussani højskolip ilanngaalaartarneratigut akilerneqarajuttarput. (Nalunaarsuut nr. 17).
- Aallarunilu naammassinninnermi angalanerit tunngaviatigut ilutsit assigiinngitsut atorlugit akilerneqarsinnaapput: Majoriamut kommunip missingersuusiatigut, ilinniartup nammineq akiliuteqarneratigut imaluunniit taakkuninnga ataqatigiissinikkut. ( siullermik kattussinikkut) Tassani pineqarpoq ilinniartog angalanissaa ilinniartup illoqarfianiit/nunaqarfianiit. Angalanissat sioqqullugit aallarunilu naammassinninnermi angalanissat pillugit ilinniartup Majoriallu akornanni erseqqittumik isumaqatigiissummik – ilinniartup iliuusissatut pilersaarutaani allanneqartumik – atsiuisoqarsimassaaq. Aallarunilu naammassinninnermi angalanerit Namminersorlutik Oqartussanit / Suliffeqarnermut Naalakkersuisoqarfimmit akilerneqassanngillat (Nalunaarsuut nr. 2). Aammattaaq Namminersorlutik Oqartussat /Suliffeqarnermut Naalakkersuisoqarfiup (ISNN-ip) ilinniartut Kalaallit Nunaanni najugalinnik meeraqartunut juullernerani sulinngiffeqarnermi akilikkamik angalanerit akiliutigineqassanngillat.
- "Aallartitsissutissat" assigiinngitsunik imaqarsinnaapput, soorlu oqorutit, oqorutit qalii, qarasaasiaq angallattagaq, højskolernerneq atuunniassagaanni atortussat pisariaqartitat. Pisuni ilinniartup nammineq tamakkuninnga pissarsiaqarfiginngisaani ilinniartup angerlarsimaffimmini Majoriap tamakkuninnga akiliuteqarnissaa qinnuteqaatigisinnaavaa. Højskolilu qanimut suleqateqarluni pigisassanik tamakkuninnga pissarsiaqarneq / ajornanngippat atugaqarneq pissasoq GCDH-p inassutigaa. (Nalunaarsuut nr. 18).
- Cykelinik attartorneq aamma højskolimit højskolimut assigiinngitsuusarpog, nalinginnaalluni ukiup affaani 300,- kr.-nik akiliilluni attartortarneq. Cykelip attartorneranut akiliuteqaqqusiffillitut pisoqarfinni taakkunani akileeqqusissut taanna Naalakkersuisoqarfimmut nassiunneqassaaq. (Nalunaarsuut nr. 3).
- Juullimi sulinngiffeqarneq højskolertunut amerlanerpaanut højskole qimallugu pissaaq, højskole sapaatit akunnerini marluk-pingasuni matuneqartarmat. Tiguneqarnermi ilinniartup juullimi sulinngiffeqarnissaa qanoq pissanersoq

paasisimaneqassaaq, aammalu juullimi sulinngiffeqarnermi angalanernut ajornanngippallu najugaqarnernut qanoq akiliuteqartoqassanera paasineqarsimassalluni. Tamakku iliuusissatut pilersaarummut ilanngunneqassapput. Aallaaviatigut juullip ukiortaallu nalaani matoqqanermi, ilinniartup højskolimittussaagaluarnernut højskolip tigusimasassaraluanik aningaasat taakku (ilinniarnermusiat) ajunngitsorsiarinissaanut ilinniartoq pisinnaatitaaffeqarpoq. Aningaasat taakku, nalinginnarmik sapaatip akunnerinut marlunnut-pingasunut ilinniarnermusiat decembarimi ilinniarnermusianut atatillugu Majoriap ilinniartup aningaaserivianut akiliutigissavai. (Nalunaarsuut nr. 4). Danmarkip iluani juullip nalaani angalanernut atatillugu angalanernut aningaasartuutit qinnutigineqarsinnaapput matussuserneqarsinnaallutillu. Qinnuteqarneq Majoriaq aqputigalugu pissaaq, taanna akuersisartuulluni, højskolilu atukkiissaaq, ISINN-imullu akiliuteqqusissutit kvartalikkaamut/ukiup affakkaamut naatsorsuutitigut pisassapput. Juullimi-ukiortaami ilinniartup sumiiffigisaanut højskolimit ilaqtutanut imaluunniit højskolimut allamut siumut-utimullu angalanerit nalinginnaapput. (Nalunaarsuut nr. 5). Juullip-ukiortaap nalaani højskolimi allami najugaqarsinnaanernut akiliutissaaq angerlarsimaffimmi Majoriamit akilerneqassaaq. (Nalunaarsuut nr. 15).

- Tarnip nakorsaaniit allatulluunniit isumaginninnikkut/ilinniagaqarnermut tunngasutigut ikiorsiisarnerit pisut apeqqutaallutik akilerneqartarput. Pisut ilaanni højskole nammineq akiliissaaq, pisuni allani Majoriaq, kiisalu pisuni aamma allani Naalakkersuisoqarfik akiliissallutik. (Nalunaarsuut nr. 6).
- Nutserussisartumit ikiorsiisarnerit pisut apeqqutaallutik akilerneqartarput. Pisuni ataasiakkaartuni immikkullu ittumik pisariaqartitsiviusuni attavigisatut Kalaallit Illuutaanit nutseruussinermik ikiorsiisoqarsinnaavoq. Suliassanut arlalinnut iluarsiivigisassanut, ilaatigut nutserussilluni ikiorsiinernut Kalaallit Illuutaallu Naalakkersuisoqarfik isumaqatigiissuteqarpoq. (Nalunaarsuut nr. 7).
- Kigutit nakorsaat pisinnaassappat DK-mut aallartinnani ornittariaqarpoq.
- Højskolimi ilinniartut Danmarkimi kalaallinut ilinniartunut aaqqiissummi ilaannikuugaluarput. Aningaasartuut ”tassanngaannartutut pisoqarfittut” nalilerneqassappat ilinniartut aningaasartuutinik taarsiivigitissinnaanerat aaqqiissutit taassuma nassataraa. Tassanngaannartumik kigutilerisumit ikiorserneqarfiusuni kigutip nakorsaata suliartut ”tassanngaannartutut pisoqartutut” nalilersuinnermik . Taana aqqissuussineq atorunnaarpoq, soorlu kalaallit ingerlariaqqiffiusunik ilinniartut Namminersorlutik Oqartussat nalinginnaasumik angalanissamut sillimmasiisarfianiit.
- Majoriami højskolierit højskolerfissaminut angalasut ilinniartup kommuunerisaanik annerusumik akiliunneqartarput (Majoriaq aqputigalugu) , taammaamat Majoriami højskolertut Namminersorlutik Oqartussat angalanissamut sillimmasiisarfianingillat.
- ISNN, GCDH –lu suliaq peqqissaarullugu oqaluuserisarsimavaa, aammalu nalilerlugu inernerivaa inatsimmik ” ilinniartunut tapiisarnermi ” tassanngaannartumik kigutilerisumit ikiorserneqarnissamut akiliuuneqarnissamut

tunngavissaqanngitsoq.

- GCDH innersuusivoq, højskolertussat Qallunaat Nunaanukannginnermi kigutilerisumut kigutit misissortissagai aammalu suliaritillugit. Iliuusissamut pilersaarut suliarinerani aammalu højskolertussaq piareersarnerani Kigutileritinnissaq eqqartorneqartassasoq.
- Nakorsaatinut nakorsamullu aningaasartuutit, ajornanngippallu tassunga tunngatillugu aallaaviatigut ilinniartumit akilerneqassapput. Ilinniartorli aningaasartuutit matussusernissaat pillugit angerlarsimaffimmini Majoriamutqinnuteqarsinnaavoq, ajornanngippat akiliissutinut / akiliussissutinut højskolimit ikiorserneqarluni. (Nalunaarsuut nr. 16).
- Passi Danmarkimut aallartinnatik ilinniartut suliaritinnissaa isumagereersimassavaat. Passip aamma passimi assinik akiliuteqarnissaq ilinniartup nammineq isumagisariaqarpai, allaat aatsaat Danmarkimi suliarineqartussaagaluarpata. (Nalunaarsuut nr. 9).
- Akisussaaffissanut sillimmasiineq qaqutigut højskolimi ilinniartunit kalaallit sillimmasiissutigineqartarpoq. Aallaaviatigut ilinniartup nammineq sillimmasiinerit akilissavai. Højskolit ilaat, soorlu timersornermut tunngasunut højskolit ilinniartumit ajutoornissamut akisussaafissanullu sillimmaseeqquisarput. (Nalunaarsuut nr. 10).
- Napparsimanermi imaluunniit ilaqaataasuni toqusogartillugu tassangaannartumik aallarneq Majoriami ilinniartunut nalinginnarmik malittarisassiat aqutigalugit Majoriamit akilerneqassaaq, aningaasartuullu \*ISNNN-ilu nalinginnarmik qaammatikkaartumik akiliuteqartarnerit aqutigalugit akilerneqartassapput, "ilinniarnermusiat il.il. tunngatillugu akiliuussinerit, konto 33-02". (Nalunaarsuut nr. 11).
- Qimuttuitsut, timmisartog angumersiffinngisaq, imaluunniit siusinaartumik angerlamut angalaneq aallaaviatigut nammineq pisuussutigiguniuk ilinniartumit namminermit akilerneqassaaq. Taamaattorli piviusutigut tamanna ilinniartumut qaqutiguinnaq pisinnaasartog paasineqarpoq, pisunilu taamaattuni tamanna Majoriamit imaluunniit Naalackersuisoqarfimmit akilerneqartarpoq. Ajornanngippat højskolimut imaluunniit Kalaallit Illuutaannut angalanissamut aningaasartuummik akiliussisimassappata taarsiissutit aqutigalugit. Pisuni amerlanerpaani (nammineq pisuussutigisani) kingornatigut ilinniartorlu akiliinissamik aaqqiissuteqartoqassaaq. (Nalunaarsuut nr. 12).
- Højskolit tamarmik højskolernerup ataatsip nalaani paasiniaalluni angalanermik ataatsimik imaluunniit arlalinnik aaqqissuussisarput. Piffissami qaammatit qulit ingerlanerannut naatsorsorlugu paasiniaalluni angalanermut ataatsimut Aatsitassanut Suliffeqarnermullu Naalackersuisoqarfik akiliuteqartarpoq. Annerpaamik 5.000 kr.-nik. ISNNN-ilu kvartalikkaamik/ukiup affakkaamik akiliutissani aningaasartuut højskolip ilannguttarjaa. Ukiup affaata aappaani paasiniaalluni angalanermut kommunit ilaat akiliuteqartarput, tamannalu ilinniartup

iliuusissatut pilersaarutaani takuneqarsinnaassaaq. (Nalunaarsuut nr. 13 aamma nalunaarsuut nr. 14).

- Højskolit ilaat immikkut ittumik matussusivigineqartussanik atortussanut aningaasartuuteqarput. Aningaasartuut taanna ISNNN-imut højskolip akiliisitsinera aqutigalugu matussuserneqartarpoq. (Nalunaarsuut nr. 15).

Allaffissornermi pissutsinut taakkununnga tunngasunik ikiorserneqarnissamik pisariaqartitsiguit taava emailikkut [hojskole@nanoq.gl](mailto:hojskole@nanoq.gl) aqutigalugu GCDH attavigiuk, taamaalilluta pisariaqartitannut atugassannik nassiusisinnaassagatta.